

(70)

Broj: 01-05-31662/15
Sarajevo: 14.01. 2016.godina

JASMINA
15.01.2016.
Alme

SKUPŠTINA KANTONA SARAJEVO SARAJEVO

PREDMET: Odgovor na zastupničko pitanje zastupnice Neire Avdibegović

U prilogu Vam dostavljamo odgovor na postavljeno zastupničko pitanje zastupnice Neire Avdibegović na Devetoj Radnoj sjednici Skupštine Kantona Sarajevo održane dana 21.12.2015. godine u okviru tačke Dnevnog reda „Zastupnička pitanja, inicijative i odgovori“.

Zastupničko pitanje:

„Na koji način će se ubuduće vršiti selekcija i dodjeljivati naljepnice sa odobrenjem za parking za osobe sa invaliditetom, i na koji način Ministarstvo procjenjuje uticaj novih zakona i drugih pravnih odluka na, u ovom slučaju, populaciju osoba sa invaliditetom?“

Odgovor:

Ministarstvo unutrašnjih poslova Kantona Sarajevo – odjelenje za registraciju vozila na osnovu Pravilnika o načinu obilježavanja vozila kojim upravlja osoba s oštećenim ekstremitetima („Službeni glasnik BIH“ broj 13/07), nadležno je za izdavanje „znaka za pristupačnost“ za invalidna lica sa oštećenim ekstremitetima, čiji su ekstremiteti, bitni za upravljanje vozilom, oštećeni najmanje 60%. „Znak za pristupačnost“ daje pravo imaoču ovog znaka besplatno parkiranje na posebno označenim parking mjestima. Ministarstvo saobraćaja Kantona Sarajevo obezbeđuje mjesta za parkiranja osoba sa invaliditetom na svim javnim parkinzima na području Kantona Sarajevo kao i kad prostorne mogućnosti dozvoljavaju i na saobraćajnicama gdje nije zabranjeno parkiranje vozila a ministarstvo ima saznanja da na tom lokalitetu postoji potreba za obilježenim mjestima za invalide. Iz naprijed iznijetog jasno je da ministarstvo nema u planu smanjenje broja parking mesta za invalidna lica, već teži za obezbjeđenjem što većeg broja mjesta na području cijelog Kantona.

S obzirom da Pravilnik o načinu obilježavanja vozila kojim upravlja osoba s oštećenim ekstremitetima („Službeni glasnik BIH“ broj 13/07), osim besplatnog parkiranja ne daje nikakva druga prava, a da se radi o osjetljivoj populaciji, Ministar saobraćaja donošenjem „Pravilnika o postupku izdavanja odobrenja za ulazak u zone zabranjene za saobraćaj u Kantunu Sarajevo“, propisao je da vozilo koje prevozi invalidnu osobu sa naj manjim stepenom invalidnosti 60% može



web: <http://ms.ks.gov.ba>
e-mail: ms@ms.ks.gov.ba

Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1




dobiti ovo odobrenje radi lakšeg pristupa objektu stanovanja ili drugoj ustanovi za kojom ima potrebu, a koja se nalazi u ulici zabranjenoj za saobraćaj.

Ministarstvo će uputiti inicijativu a koja proizilazi iz niza održanih sastanaka sa udruženjima koja okupljaju invalidne osobe, prema Ministarstvu transporta i komunikacija BIH, donosiocu Pravilnika o načinu obilježavanja vozila kojim upravlja osoba s oštećenim ekstremitetima („Službeni glasnik BIH“ broj 13/07), za hitne izmjene a koje bi se odnosile, da istim Pravilnikom budu obuhvaćene i druge invalidne osobe (kao npr. slijepi osobe, djeca sa invalidnostima, osobe sa tuđom njegom i dr.).

S poštovanjem,

Dostaviti:

- Naslovu
- Vlada Kantona Sarajevo
- Evidenciji
- Arhiva



MINISTAR

Dr.sc. Fišo Mujo



web: <http://ms.ks.gov.ba>
e-mail: saoobrajanje@ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1

